

ՊԱՇՏՈՆԱԿԱՆՔ



Ն. Ս. Օ. Տ. Տ. ԳԱՐԵԳԻՆ Բ ԱՄԵՆԱՅՆ ՀԱՅՈՅ ԿԱԹՈՂԻԿՈՍԻ ՏԱՐԵՄՈՒՏԻ ՊԱՏԳԱՄԸ ՀԱՅ ԺՈՂՈՎՐԴԻՆ՝ ՀԵՌԱՐԶԱԿԱԾ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱԶԳԱՅԻՆ ՀԵՌՈՒՍԱՏԵՍՈՒԹՅԱՄԲ

(31 դեկտեմբեր 1999 թ.)

Սիրելի ժողովուրդ հայոց.

Տարեմուր է վերստին: Նոր՝ 2000 թվական մուտք ենք գործում՝ թերթա-
ցած հրաժեշտ տալով 1999 թվականին, որ ամեն դրականով հանդերձ մեր
պայքարության մեջ մնալու է որպես մեծ փորձության ու ցավալի կորուստների
տարի: Դեռ չեն ամոքվել մեր հոգիները ցավից ու տխրությունից Գարեգին Ա
Հայոց Հայրապետի անժամանակ մահվան և Ազգային ժողովի նախագահ
Կարեն Դեմիրճյանի, վարչապետ Վազգեն Սարգսյանի ու պետական
բարձրաստիճան վեց պաշտոնյաների ողբերգական սպանության: Մտահոգ

ներ ամենքս: Հայրենիքում ներքաղաքական լարված վիճակը, տնտեսական և ընկերային կյանքի վճիռների սպասող դժվարին ու բարդ խնդիրները հուզում և խորապես անհանգստացնում են մերագնյա զավակաց ամենուր: Սակայն լավարեսությամբ են համակված մեր հոգիները, քանզի փարեմուրը դարակազմիկ է և նշանավորված մեր Տիրոջ՝ Հիսուս Քրիստոսի աշխարհի գալու 2000-ամյա փարեղարձով: Համայն քրիստոնյա աշխարհի հերթ մենք ևս, սիրելի բարեպաշտ հայորդիք, ցնծությամբ ու սիրով տոնախմբելու ենք Ամանորն ու Սուրբ Ծնունդը՝ հազարամյակի վերջին փարին հաջողություններով ու հաղթանակներով պսակելու աներկբա հավատով:

Քրիստոսով իմաստավորված կենաց ճանապարհը 2000 փարի անցել ենք՝ հաղթահարելով բազում փորձություն ու դժվարություն. «Հաւար բռկեցուցէ զբեզ»: Աներեք վստահությամբ սրանձնել ենք ամենայն զրկանքներ վասն հավաքի, վասն հայրենյաց: Այսօր վերահաստատված Հայոց նոր անկախությունը, Արցախի ազատության անօտարելի իրավունքը ձեռք ենք բերել ապահով, երջանիկ գալիքի ամենակարևոր գրավականներից մեկը: Մեր երկիրը գորացնելու, մեր կյանքը բարօր դարձնելու սրբազան պատասխանատվության հանձնառությունը մղում է մեզ սիրով միաբանության, խաղաղ, սրելծագործ կյանքի, որպեսզի 3-րդ հազարամյակ մուրք գործենք վաստակյալ իրավունքով մեր փեղը հաստատած ժողովուրդների մեծ ընտանիքում:

Լավարես եմ որպես Հայոց Հայրապետ: Հավատում եմ մեր ժողովրդի սրելծարար ուժին, հանճարեղ մարքին ու կառուցող բազկին, հպարտ եմ նրա կենսահաստատ ոգով, զոհաբերելու, համբերելու, հաղթահարելու և հաղթելու կամքով, լի եմ մխիթարությամբ, քանզի նեղությունների ու հոգսերի մեջ լցված ենք հույսով, և ամուր է գալիքի հանդեպ մեր հավաքը՝ խարսխված աստվածային Սիրույն, որ ոչ երբեք անկասի:

Նոր փարվա շնմին, նոր հազարամյակի արշալույսին, երբ հրաժեշտ ենք փալիս մեր կյանքի որոշակի մի ժամանակահատվածի, ինքնաբերաբար հակվում ենք անդրադառնալու և գնահատելու անցածը, ապրված օրերի միջից ընտրելու անհրաժեշտը, արդյունավետը և մերժելու անփեղի վարքվածը, անօգտակարը:

20-րդ դարը մարդկային պարմության մեջ նշանավորվեց գիտական աննախընթաց նվաճումներով: Մարդը նյութական աշխարհի ճանաչողության մեջ հաճախ մոռացավ Աստուծո գոյությունը, անտեսեց, որ անհրա-

ժեշտ է հավասարագոր և առավել ևս գորացնել հոգևոր աշխարհը իր կյանքի: Նոր դարը կարող է հոգևորով իմաստավորման, քրիստոնեական բարոյականի վերարժևորման, որպեսզի գիտության նվաճումները ծառայեն միայն բարիքի ստեղծմանը, մարդկային երջանկությանը: Քաղաքակրթությունը փակուղի է մտնում, երբ չենք տեսնում, որ արարչագործ է փնեզերքը, ուր ամենայնը շաղկապված է ներդաշնակորեն, ուր ամենայնը բարիք է ծնում, երբ մենք Աստուծոց մեզ շնորհված կամքի ազատությամբ ընտրում ենք բարին, առաքինին, արդարն ու ճշմարիտը՝ Աստուծո կամքը:

Արդ, սիրելի զավակունք հայոց, գորացնենք քրիստոնեական մեր հավաքը՝ բարոյականության բյուրեղյա, զուլալ ակունքը ազգային-հասարակական մեր կյանքի, որպեսզի հավաքավոր գործերով իրական դարձնենք Հայրենի մեր երկիրը շենացնելու և մեր ժողովրդի բարօր գալիքը կերտելու հույսն ու հավատը, որպեսզի Բարձրյալի օրհնությունը հանապազօր իջնի մեր հողին և ուղեկից լինի մեզ ամենուր՝ ի Հայաստան, հԱրցախ և ի Սփյուռս աշխարհի:

Տարեմութի անդրանիկ Մեր աղոթքն ենք առաքում առ Տերն Ամենակալ, որ խաղաղ ու ապահով պահի աշխարհը համայն, Հայաստան և Արցախ Հայրենիքը մեր, պահպանի և իմաստությամբ առաջնորդի հայրենի իշխանությունները, մեր ժողովրդի բոլոր զավակաց պարզևի ապահովություն, ստեղծագործ կյանքի ձեռքբերումներ ու հաղթանակներ՝ Հայոց Եկեղեցու մշտական օրհնության ներքո: Թող աստվածապարզև Մերը թագավորի մեր հոգիներում, ընթանեկան բոլոր հարկերից ներս և շաղախը դառնա մեր ժողովրդի միասնության: Միտով փոխըմբռնում, բարի կամեցողություն, եղբայրաբար համագործակցություն բոլոր ժողովուրդներին, որպեսզի «ողորմութիւն և ճշմարտութիւն հանդիպեսցին, արդարութիւն և խաղաղութիւն համբուրեսցին»:

Շնորհավոր Նոր փարի:

«Շնորհք Տեառն մերոյ Յիսուսի Քրիստոսի եղիցի ընդ Ձեզ և ընդ ամենեւեանս. ամէն»: